

Lamka North Presbytery Moderator in L. Muncham Kochuam upa dingin a namdet hi. A mawpuakna te seppiting ding gua in theitawp in pan a la zing ah, date 22 Octeber, 2018 ni'n Hill Town Kochuam Gospel Centenary Hall ah Lamka North Presbytery Committee-na va pangin inlam zuan ah a hung kile laiin lampi kal in BP stroke ziaak in a buaisia ta thut mai a. Upa Th. Kailun leh T/Upa N. Siamate'n buaipi in Churachandpur District Hospital a tut ua, theitawp sua ah etkawl himaleh dam zo talo in Date 23 October, 2018 zingkal lam dak 11:30 in a ngainat ma ma, a tu leh chate leh kochuamte nusia in Lalpa kiang ah chawl dingin a la chia ta'i.

A chenna mun L. Muncham kochuam ah sunna Programme siam a hia, Bialtu Pastor Rev. S. Mangminthang in inmun ah thakdawna hun a mang ah, Biakin ah Vuina Programme chu Rev. C. Lalngaihawma, Moderator Lamka North Presbytery in a mang hi. Kochuam Secretary T/Upa Thianlam in a chanchin genlatna a nei hi. Zia thak dawna leh vuiliamna hun a hin, Lamka North Presbytery a kipat ah Ex-Moderator leh Pastor-te tam tak leh Pro-Pastoe-te a hung thei u'i.

Dumlian Pastor Bial Lapawl thakna lapawl sa'n, Rev. Khupneithang i/c B. Phainuam Pastor Bial in pauchapna a nei a, Rev. Jerry Zoliansanga i/c Lamka Pastor Bial in malzawl na genin thakdaw a hi.

Rev. S. Mangminthang, Bialtu Pastor in than ah hun mang in, kochuam ten ngaina tak leh thala tak pumin kala vui liam tau hi. A insung mite le Kochuam mipite zosia Lalpan thamuan chiat ta he'n.

Report petu,
Upa Thianlam
L. Muncham Kochuam Secretary

Editorial

Hinna Vâk ngaina a simtute zosia Lal Jesu minin chibai. Ei putitu Pathian kiangin kipak thu gen hitiu.

Gingtute'n nisîn hinkhua i matnau ahin miphalênte gual ah, a tak hilo, mi dangte sukkipakna ding le etlawm di bep ah bawl mai mai ah hinkhua a mat thei hi. Hun chiasa i hinkhua mat dan teu kienchian thak kit hitiu.

Mite'n i **Thilpiak** a hiat theina ding ua pengkul mut git ah piak leh a pia thuk kit thei dingte bep pia sek i hiu em? A guk in pia le chin le Pathian in a hia'n, hun pia thuk kit ma ma i na.

Bang gualin la **Pauchap** sek em? Pharisaite'n vang mipi tamna mun leh mite mu theina ding hawlin lampi lailung leh lam kakthuam mun ahte a pauchap nuam sek u'i. Lal Jesu'n vang mi mu lona mun, pindan sung ah lut a pauchap zaw din ei hil a hi.

Angngawl Pauchapna la nei phat leh "*La bawl pha na e!*" ti leh mite mu ding ut ziaakin la mel sudanglam gaw ham ham sek kin. Mite mu dingin bawl lo maleh chinle Pathian in a hia ma ma hi.

Pathian biak leh Kikhawp i bawl danteu hile angaina leh melsiat di lau ziaka bawl khak um thei ma ma a hi. I lim leh i lâm dan teu hile en chian thak hitiu. Pathian thu chun, "*Pathian chu Thagau ahin, ama ho dingte'n Thagau leh Thutak in a ho diu a hi*" (John 4:24) a ti.

Lal na sepna ahin le hotute lau ziaak leh a thangmawi ding dawi ziaka sep mai mai le a um thei hi. "*Bangkim la hi'tapo uh chu mibing â gual ah sêm lo in, Lalpa â ding gual zaw'n thanuam takin sem un*" (Kol. 3:23) ei ti ngal a.

Miphalênte bawl gual ah bawlte chun lei ah kipakman a dawng zo kei a ta'u. I thil bawl zosiau hi Pathian pawmtak, apha leh bukim leh a dawidan leh a lunglam hawl in bawl chiat hitiu. Chutileh, Vana ah kipakman dawng ngei hitiu. Lalpa chun sunggil lam a en zaw ngal a.

Lalpa'n Hinna Vâk simtute zosia malzawl chiat ta hen!



MPCS MANIPUR AREA

*Rev. C. Zoramawia
Administrative Secretary*

1. Sum din mun:

October 2018 tha leh April – November, 2018 Pathian Gam Thilpiak hung lut leh dan chu ziagual hi a hi.

1) Pathian gam dinmun (October & April 2018 – November 2018)

<i>Sl. No.</i>	<i>Budget Head</i>	<i>2018-2019</i>	<i>October</i>	<i>Total</i>
	<i>Budget</i>		<i>Receipt</i>	<i>Receipt</i>
1)	Pathian Gam	1,80,00,000	20,36,240	1,36,46,170
2)	Anchangham	27,00,000	3,11,143	2,52,549
3)	Gamthak	98,40,000	11,66,475	77,12,454
4)	Semtu Chawpna	12,00,000	1,44,509	8,62,235
5)	Sakramen	1,50,000	22,985	1,38,612
6)	Sunday School	72,000	3,449	56,098
7)	Kichenna	8,000	400	6,150
8)	Damdawi In	30,000	546	42,779
	Total	3,20,00,000	36,85,747	2,45,17,056

2) Pastor Bial chuam chuam Pathian Gam sunlut dan: (October & April 2018 – November 2018)

<i>Sl.no</i>	<i>Bial</i>	<i>Oct 2018</i>	<i>Apr-Nov '18</i>	<i>Thelut zat</i>
1.	Lamka	6,36,166	38,22,420	07
2.	Imphal	5,68,015	42,39,410	07
3.	D. Phailian	5,61,804	36,38,861	07
4.	New Lamka	4,78,4,4	29,13,560	07
5.	Kangvai	2,48,685	18,41,642	07
6.	Mata	2,20,043	15,39,332	07
7.	Delhi Kochuam	2,04,417	6,17,318	07
8.	Sugnu	1,61,910	15,44,234	07
9.	S. Kawtlian	1,57,252	11,10,635	07



FAMTA UPA MANGNEILAL CHANCHIN



Upa Mangneilal hi (L) Pautinsoi leh (L) Khawljahate gial ah ga pawsal panga leh numei khatte lak ah a panina a hi. 1954 in Phailengjang khua a la piang a, 1967 kumin Independent Church of India (ICM) nuai in (LO Rev. Soikhothang khutin Baptisma a la chang hi.

1979 kumin pi Kimtinlhing tawh a la kicheng ua. Chapa 2 leh chanu 1 a nei u'i. Inkuan kitup tak leh lim tak ah a um laiun, a ngai tak a zi'n damlona a hun nei ah, sawt tak etkawl a hi nungin damzo diak taloin 2012 kumin kumtuang gam zuan in a chia masa ta'i.

Upa Mangneilal hi kochuam ah kimang mi a hi ban in lenkhawm dutui mi, chuleh Solfa thiam le a hi. Zia a nuai ah mawpuakna chuam chuamte hi kochuam ah a la tuk khakte a hi' u:

1. *Presbytery ah* : *Presbytery Standing Committee Member*
2. *Bial ah* : *Bial Standing Committee Chairman (2018)*
3. *Tualsung ah* : 1. *2018 chanin Kochuam Chairman term 2 sung a tu man hi.*
2. *Biakin sakna ding ah Fund Rising Committee Chairman*
3. *2010–2011 sung Kochuam Secretary a hi.*
4. *2017–2018 Sunday School Superintendent*

2014 kumin Lamka North Presbytery Khawmpi 3 Veina, Lamka Kochuam Biakin in Rev. Mangkhosei Baite,

Simhaini nitak in Dawrpui Veng ah Upa Zodinga-
te inkuanin an ei nekpí'u a, kipakum a kisa takzet hi.
Chaltlang ah umlai inle Rev. Lalbiaknia, AS lui an ei nekpí
bawk ah, kipakum a kisa ma ma hi.

Date 30-10-2018 zingkal in Manipur Area Office
a hung kitung kit ah, CKKP General Secretary Tv.
Kambenjohn leh Member-te'n vaidawna ei la nei ui. B.
Laljoy Committee Member in Pathian kiang ah kipakthu
genin pauchapna a nei hi. Mizoram ah um sung a hin AS
luite umna kochuam chawthakna kinei a hi deu pen a, tu
ah i AS hi lai Rev. C. Zoramawia in Pathian thugenna a
nei suak ah, Lapawl pani chiat sak a hi bawk hi. Mizoram
ah um sung ah hin lamhiltu ding ah guat ah um Rev. C.
Lalrinliana, Leijangphai Pastor in, kipezo tak leh tawmngai
tak in Choir membrete ei kaihuai ah, kipak a um tak zet
hi. Mizoram ah i kochuamte'u chu Malzin lawpna lam leh
kaituana lamin a ettawn tak khawp mai ua, a kipiak zaw
dan uh hi kochuamte'n zil ding leh ettawn ding tam tak i
neu u'i. Thagau lam leh taksa lam ah malsawmna tam tak
a kidawng ah, kipakum a kisa ma ma hi.

Report petu,
Tv. ST. Satboi
Convener, Manipur Area Choir

10. Leilon	82,380	4,86,957	07
11. Munpi	60,602	3,56,660	07
12. Sharonphai	50,970	4,58,706	07
13. Panglian	47,388	4,33,569	07
14. Leijangphai	29,070	2,47,042	07
15. Dumlian	28,402	1,90,160	07
16. Kawlhen	24,160	1,68,498	07
17. Phaipheng	23,979	2,01,362	07
18. B. Phainuam	23,840	1,28,872	07
19. D. Khawzim	21,320	1,78,640	07
20. Jiribam	20,395	1,18,662	07
21. Phailianbung	13,267	1,07,410	07
22. Tungkyaw	10,100	82,200	07
23. Nanphalong	5,300	39,300	07
24. Chingmei	4,300	36,946	06
25. Kalaymyo	3,250	22,660	07
26. CKNP	-	<u>12,000</u>	
Grand Total	36,85,747	2,45,17,056	

1. JPC Meeting

October 3 & 8, 2018 ni'n Joint Presbytery Committee
chu Thangkai-Lungpau Hall, Area Office ah nei a hin,
Kochuamte hiat ding ah thupukna pawimaw khenkhatte:

1) Joint Presbytery Khawmpi 2019 Budget

Joint Presbytery kikhawmpi 3 veina Budget zia gual hi
siam a hi :

a) Tanggam Presbytery	- ₹ 10,000/-
b) Lamka North Presbytery	- ₹ 25,000/-
c) Lamka South Presbytery	- ₹ 25,000/-
d) Phaipi Presbytery	- ₹ <u>25,000/-</u>
Total	- ₹ 85,000/-

(Rupees eighty five thousand) only

A mun, a hun leh programme A.S Office ngansia a hi.

2) *Synod min phuakna* : Synod min ding in ‘**Tangphai Presbyterian Church Synod**’ phuak a hi. (*JPC19:11 of 3/10/18 & 19:14 of 8/10/18*).

2. PCI Study Team

October 8-10, 2018 sungin Manipur Area Synod ah lankai ding tawh kisaiin PCI Study Team a hung un, Manipur Area Puitute, JPC leh Presbytery tin Standing Committee-te kimupina a nei u’i.

3. Presbytery Khawmpi

October 11-14 sungin Manipur Area sungah Presbytery paliten Khawmpi lawk takin a mang zo u’i.

4. **Manipur Area Committee 51-veina** : October 18, 2018 ni’n Manipur Area Committee 51-veina chu Synod Office, Aizawl mun ah nei zaw ahin, thupukna khenkhat hiatzui dingte chu:

- 1) Khristian Khanglai Pawl Kikaihuaina etphat ding ah lemsak a hi.
- 2) Evangelist leh Evangelist Teacher-te kaihuaina siam chu pawm a hi.
- 3) Manipur Area Committee chuam chuam leh Synod Committee chuam chuam kiguatte chu:

a) *Manipur Area Committee (2019-2021)*:

- (1) Administrative Secretary, Secretary
- (2) Co-ordinator, Manipur Area
- (3) Rev. S. Lama Vaiphei, Tanggam Presbytery
- (4) Rev. K. Jama Vaiphei, Phaipi Presbytery
- (5) Rev. C. Lalngaihawma, Lamka North Presbytery
- (6) Rev. Malakia Lalnunfela, Lamka South Presbytery

MANIPUR AREA CHOIR MIZORAM CHIANA REPORT

Pathian mapuina leh umpina zâl leh Rev. C. Zoramawia, Administrative Secretary panlakna zalin 25th – 29 October, 2018 sung ah khan Aizawl ah La ah Lal nasepna hun pawimaw tak leh tepte tâk tak Manipur Area Choir chun a la kimang thei ah, kipak a um tak zet hi.

25th October, 2018 Zingkal in Manipur Area Office apat in Co-ordinator Rev. K. Neihzial in pauchapna’n Choir member-te thâkdawna ei nei a, Date 26th Zingkal 6:00 AM in Dawrpui Kochuam Biak In a kitung hi. Nitak lam kikhawpna, Dawrpui Kochuam Centenary lawpna hun in La pani a kisa thei ah, zia tak ah Thugentu chu Rev. C. Zoramawia, AS Manipur Area ahi.

Date 27 zingkal an nek zawin, AS lui Rev. J. Lalremsiama umna Vaivakawn lam ah chiasuk in nitak an chu Dawrpui Kochuam Centenary lawpna mun ah nek a hi. Manipur Area AS lui Rev. K. Lalhmunchhuaka umna Lily Veng Kcohuam in Pathianni Sun hun kikhawpna a va kimang thei bawh hi. Sun kikhawp zawin ATC lam chawt thakna a kinei a, nitak lamin AS lui Rev. Lalbiakni ah umna Chaltlang lam zuan in a kichia, nitak kikhawp hunin La pani ma a kisa thei kit hi. Zia hun a hin AS Rev. C. Zoramawia in Manipur Area Kochuam dinmun report a bawl hi.

1. Thangkai-Lungpau Hall etkawlna kawng ah mawpawtu pen chu Manipur Area Trust Committee hin a.
2. Thangkai-Lungpau Hall hi Khristian Pawl chuam chuam Lalgam ah seppi theite, Tawmngai Pawl (Political Party hi lo) leh Manipur Area Kochuam Department chuam chuamte â ding in mat thei hin a. A matna ding zilin Administrative Secretary in mat phal leh phal lo thei in a.
3. Thangkai-Lungpau Hall mangtu kua hitaleh a van matchak etc. a susia a hem, a sumang a hem a um chun, a siam pha em a hilo leh a then na ding sum a piak ding a hi.
4. Mimal Prograamme Siatni/Phatni ah le mat thei bawk in a.
5. Thangkai-Lungpau Hall mat man:-
 - 1) Hall hi Mizoram Synod Manipur Area Department dang dangten a thawnin mang thei in a.
 - 2) PCI nuai ah Kochuam unaute tawh programme matkhawm a hi chun a thawn ah mat thei in a.
 - 3) A thawn ah mangthei te tilo chun zia gual hin a mat man a piak ding uh a hi:-
 - a. Nitum (09:00 A.M.-04:00 P.M) - ₹1,000/- (cheng sangkhat chet)
 - b. Dakkal khat zel ah - ₹ 200/- (cheng zani chet)
 - 4) Hall mat man hi Area Budget – Miscellaneous Head ah dawn ah, kawi lut zel ding hin a.

b) PPF Board (2019-2021) :

- Chairman : Administrative Secretary
 Vice Chairman : Rev. Malakia Lalnunfela (2019)
 Secretary : Rev. S. Khaikholam, Kangvai
 Treasurer : Tv. Manglalem, Accountant

Committee members :

- 1) Thawktu aiawh-2
- 2) Upa Lalminsang, Lamka North Presbytery (2019)
- 3) Upa S. Tinklal, Lamka South Presbytery
- 4) Upa Dr. Paulunmang, Lamka
- 5) Rev. K. Neihzial

c) Synod Executive Committee:

- (1) Administrative Secretary, Ex-Officio member
- (2) Rev. S. Lama Vaiphei, Munpi, Munpi Pastor Bial
- (3) Upa Tinliankham, Langol, Imphal Pastor Bial

d) Synod Pastoral Committee (2019-2021)

- (1) Administrative Secretary
- (2) Rev. Thanglianlal, S. Kawtlian Pastor Bial

e) Synod Finance Committee (2019-2021)

- Rev. Kamkhotinthang Neihzial, Co-ordinator

f) Sunday School Committee (2019-2021)

- Rev. Khaisonthang Vaiphei, Phaipheng Pastor Bial

2) Manipur Area Committee sungah Committee chuam chuam te:

- a) Finance Committee (2019-2021):** Manipur Area Finance Committee ding te:

Presbytery guat te:

- (1) Upa Dr. Paulunmang, Lamka North Presbytery
- (2) Rev. S. Khaikholam, Lamka North Presbytery
- (3) Upa S. Tinalal, Lamka South Presbytery
- (4) Upa L. Manga, Lamka South Presbytery
- (5) Upa Kamkholal, Tanggam Presbytery
- (6) Rev. Thangneipau, Tanggam Presbytery
- (7) Rev. Khupneithang, Phaipi Presbytery
- (8) Upa A. L. Thanga, Phaipi Presbytery

Manipur Area Committee guat te:

- (1) Upa Ngamkholun, Lamka North Presbytery
- (2) Rev. Malakia Lalnunfela, Lamka South Presbytery
- (3) Upa Luna Vaiphei, Tanggam Presbytery
- (4) Upa Lamkholian, Phaipi Presbytery

b) Sunday School Committee (2019 – 2021): Manipur Area Sunday School Committee ding te:

Presbytery guat te:

- (1) Rev. Thanglianlal, Lamka North Presbytery
 - (2) Tual Upa Lalthianlam, Lamka North Presbytery
 - (3) Upa K. Manglianhang, Lamka South Presbytery
 - (4) Rev. Paulalsiam, Lamka South Presbytery
 - (5) Upa Thangkhokhai, Tanggam Presbytery
 - (6) Rev. Hesei Vaiphei, Tanggam Presbytery
 - (7) Rev. R. Lalawmpuia, Phaipi Presbytery
 - (8) Upa Haupau, Phaipi Presbytery
-

Tanggam Presbytery: Tanggam Presbytery chu Chawngkhawzo Kochuam, Munpi Pastor Bial mun ah Thagau lam Thupi, “*Vangam anai ta’i.*” (Mathai 4:17) mangin lawk takin mat zaw a hi ta’i.

Puitu thakte:

- Moderator : Rev. Hesei Vaiphei
Secretaries : Upa P. Minthang (Sr.)
Upa Kapthianlam (Jr.)
Treasurer : Upa B. Paua
Statistician : Rev. C. Lalrinliana

3. Phaipi Presbytery: Phaipi Presbytery chu : Moreh Kochuam, Imphal Pastor Bial mun ah Thagau lam Thupi, “*Pathian pawmtak kilatna.*” (Rom 12:1) mangin lawk takin mat zaw a hi ta’i.

Puitu thak te:

- Moderator : Rev. K. Jama Vaiphei
Moderator Elect : Upa D. Siaklam
Secretaries : Upa S. Lallian (Sr.)
Upa Tinliankham (Jr.)
Treasurer : Upa Lala
Statistician : Upa T. Manga
-

MIZORAM SYNOD MANIPUR AREA THANGKAI-LUNGPAU HALL MAT DAN

Joint Presbytery chun ‘Thangkai-Lungpau Hall’ mat dan ding kaihuaina mumal tak nei hileh ti pha a sau a. A mat dan ding guanggalna chu Office lam in hun siam henla, Committee nei kit hun ah thilkhawm hileh a ti’i(JPC 18:5). Zia gual hin siam a hi:

MIZORAM SYNOD: MANIPUR AREA PRESBYTERY KIKHAWPPI 2018 REPORT

Mizoram Synod : Manipur Area nuai ah Presbytery pali (4) ten amau Presbytery chiata Presbytery Kikhawppi 7-veina chu October 11-14, 2018 sung in lawk takin a mang zo u'i.

Lamka South Presbytery: Lamka South Presbytery chu S. Munnuam Kochuam, Mata Pastor Bial in, Thagau lam thupi, “*Ka Belamte vâkin*” (Johan 21: 17) mangin lawk tak in mat zaw a hi.

Puitu thakte:

Moderator : Rev. Malakia Lalnunfela
Secretaries : Upa Pauliansoi (Sr.)
Upa D. Kappa (Jr.)
Treasurer : Upa Hautinlam
Statistician : Upa H. Thanglunlal

2. **Lamka North Presbytery:** Lamka North Presbytery chu S. Kawtlian Kochuam, S.Kawtlian Bial mun ah Thagau lam Thupi, “*Pathian pawmtak kithawina.*” (Rom 12:1) mangin lawk takin mat zaw a hi ta'i.

Puitu thakte:

Moderator : Rev. C. Lalngaihawma
Secretaries : Upa Lalminsang, Hill Town(Sr.)
Upa Kamthang, Sugnu (Jr.)
Treasurer : Upa Lunkhokai, Lamka
Statistician : Upa Th. Kailun, Tuiningkhal

Manipur Area Committee guat te:

- (1)Upa Paulallemsiam, LamkaNorth Presbytery
- (2)Upa Zamkhokam, Lamka South Presbytery
- (3)Upa K. Muanlal, Tanggam Presbytery
- (4)Upa Pauminthang, Phaipi Presbytery

c) Trust Committee (2019–2021): Manipur Area Trust Committee ding te:

Presbytery guat te:

- (1) Rev. C. Lalngaihawma, Lamka North Presbytery
- (2) Upa Kaikhokam, Lamka South Presbytery
- (3) Rev. Thiinginlim, Tanggam Presbytery
- (4) Rev. K. Jama Vaiphei, Phaipi Presbytery

Manipur Area Committee guatte:

- (1) Upa Genminlun, Lamka North Presbytery
- (2) Upa V.L. Kaia, Lamka South Presbytery
- (3) Upa S. Minthang, Tanggam Presbytery
- (4) Upa Khailian, Phaipi Presbytery

5. Manipur Area Music Festival

October 19-21, 2018 sungin VPC Hall, New Lamka mun ah Manipur Area Music Festival chu lawk takin mat zaw a hi. Zia hun ah hin Solfa leh Lenkhawm Lâ kidemna, La zilkhawmna leh Pathian pâkkhawmna nei a hi.

KHRAWS : PATHIAN NGAIDAMNA

Sim ding : Luka 23:26-43

~ Upa Pauzalel
New Lamka Kochuam

“Zia zaw chun, Jesu, la gam la tun tak leh ei he zing in aw” a tia. Jesu’n a kiang in “Titakzet in ka hil la hi, tu’ni hin Paradis ah ka kiangin um mai ding la hi,” ti’n a dawnhu ta’i (Luka 23:42,43).

Judate dan a chun thi ding ah a chungchang vaihawm khum ah umte chu, suang ah selup ahem, ngawng tan a hem, hallup ahem ahi sek a. Khraws ah khetden hi chu Phoinicite bawl dan a hiat ahi.

Amau mi gawt dan chu thal a kaplup, thausa kan lup, cheicha khawlup, ngawng tan, tui a dialup, hallup apuma selup a ching u’i. Ahin, ziate haw a chu mi a thi vak takluat ziaak un awl awl a gim taka thi dingin Khraws ah khetden a hun bawl dawu a hi.

Khraws ah kikhethden hi Phoinicite apat Persia te’n ala sawn ua, Persiate apat in Grik te’n, Grikte apat Carthage North Africa te’n,

a bana Rom te’n mi gawtna a hun mat uh a hi. Zia guala kigawtna huaisia pen chu thil hithei pen leh namtin chitinte damna a hi zaw ta a hi.

TUANTHU NGAIDAMNA

Luka 23:39-43-na thu hi tuanthu ngai nawp um tak a hi. Jesu leh tualthat panite kikhethdenna thu a hi. Jesu’ tualthat panite kikal khel khel ah a khetden uh hi sukmualpho a

malam ah thil umte ka del hâh hâh a hi. Khrista Jesu ah, van lam ah kipakman chu mu dingin kung lam chu ka del hâh hâh a hi,” a ti (Phil 3:13-14). Ziakiakchun, midangte tawh i kituaklonate, lawsapnate, thiamlo kichannate, hiamilin malam ah Pathian ah kipat lawman mu kinemin kal suan zaw’i ti’u.

I tâinau a hin thisan sua hun le um intin, chuleh i kitâisiakna’u a hin hinna na tiang le chan hun um ngei in a. Zia chu hi ziang maleh, haksatna leh buaina tamtak pum a i tâi ua chun bangkim bawlthei Pathian chu kipak ma ma in, lawman ei kawi piak in tin, ei pia ngei ding ahi ti kinem la pua’i tiu.

I chângtel ua pat i mu gualun, hiatpitu sumpi nasa tak ah um kimvel i

hiu a. Zia hiatpitu nastak ah um kimvelte chu Ginna ah mi thupite a hiu. Ginna ah mi thupi, kitâisiakna ah phatak cha tâi ah a tawp chan (*finishing point*) tung ah mualsuate chu: Noah, Abraham, Joseph, Mosi chuleh Khrista min ziaka martyr tam tak le a um u’i. Thagau lam kitâisiakna hi kipakman mu ding leh Lalpa sulungkim dingin phatakchan tâi zing hi tiu. Pathianin simtute zosia malsawm chiat ta hen!

2019 Naupang Sunday
School Syllabus

Beginner to Senior - Bu 2-na,
Sacramen - A ngai

3. Jesu lam en zing hitiu:

Jesu ngei kha le a nungzuite lawng sung ah umte zuan ah tui chung ah a chia lain, Peter khale chawmcha sung tui chung in a chia thei a. Ahinlah, a kiangkimvel ah tui kifawnte a en a, Jesu a et lo phatin a hung tum gaw ta'i. Ziagual ma chun, khawvel ah thil umte- hausaknate, a hawinate leh mi dang hatlona tawh ei ma i kitekak leh thil dang dang i et uh chun ei uh le tui nuai ah tum mang khai ti'u.

4. Haksatna i tuak ding te'u he zing hi ti'u:

Nasepte 20: 23-24 na chun Paul in, "*Thagau Thiangtho in, khawtin ah kâna leh sukgentheina'n a hun ngak zing hi,*" ti bep ei hiat sak hi. Himaleh, ziate chun ei hilung kia diak puai; ka kitâisiakna lampi ka mabak hi, kipak tak ah

zaw ngei ding leh, Pathian hepina zia chanchinpha hiatsak ding ah Lalpa Jesu kiang ah, zia nasepna ka mu hi sem zo phawt leng, ka hinna hile thakla tâk in ka ngai puai. Lampi nuam vang a hi kei puai. Siâl in kua a neia, chung le vachate'n le bu a nei ui, himaleh, ei un a nung i zui uh (Lal Jesu) hin lu ngakna ding le nei zo lo a hi. I chung ua Khraws gik tak pua pum ah tâi vang thil nuam a hi kei puai. Ziaziakchun, Paulin Khrista'n nasepna a piak chu sem zo phawt leng, ka hinna hile thakla tâk in ka ngai puai a ti gualin, ei un le i lampi'u a haksatna leh buaina bang gual hung tung ziang leh le thuak ham ham in tâi hitiu.

5. Nung lam ah thil umte hiamil in, malam ah thil umte delin:

Paul chun, "*...Nung lam ah thil umte hiamil in,*

nawp diak zia uh hin a. Pakhat zawk chun a hun engho a, "*Khrista chu hilo la hem hung kihukdam inla, kei uh le ei hukdam tan*" ti in. Khraws thu chu mangthaite â ding ah ngawlna a hi a hun sulang pai ngal a hi. Zia hi mangthaite chîndan a hia, chapona leh lululna hi mangthaite lampi a hi. Mi chu pil ma ma leh le Khraws thilhitheina a taksan lo chun ngawlna khat nei a hi.

Tual that pakhat zawk chun a hun gai a, Pathian la lau pua maw. Ama tawh thiamlo channa kibang ah i um hi. Ei hivang i chan ding him ahi. I thil hi man i mu ahi. Ama hin bang ma ahi khial puai, ziazaw a chun Jesu kiang in, "*Lalpa lagam latun tak leh ei he zing i aw*", a tia. Jesu'n a kiang in, "*Tuni hin ka kiang ah Paradis in um inla*" ti'n a dawnhu a, a tuanthu a chun Tita leh Dumak a tiu hi.

Jesu'n Khraws ah a um nung inle ngaidamna thu a gen zing nalai ah, tualthat Tita chu hukdam in a um a hi. Khraws thilhitheina taksan chu hukdamna dinga lampi umsun a hia, sim ah Pathian hepina angsung a puklut chu kumtuang damna a hi. Tita hi khraws zâlzo masa pen a hi.

PARADIS

Paradis paukam hi Persia pau apat kila dawk a hi. A um dan chu huan melpha tina a hi (Beautiful garden). Jesu'n vangam tekhinna'n a hun mang a hi. Persia lengte chun huan kilawm tak melpha taka chei a nei ua, zin pha a nei phat tak ua leh a huansung uh chu a fanpi sek uh a hi. Tita le Lalpa'n zin pha'n a pawm a, dinmun sangtak a chang ah Jesu'n van Paradis a chun a len pita a hi. Ei haw le khraws zâlin Lalpa'n mo pha'n ei pawm a hi. Halleluiyah!

DAN TAWPNA

Temple puanzâk chu a chunglam ah kipatin a nuai lam chan in a hung kithek suk a. Jesu chun dan hanse lak apat in ei tan dawk ta, dan nuai ah biakna a subei ta, puan zâk chu Khrista etsakna a hi.

Khrista chun dan zosia a sukbei tâk ziakin, thiampu a ngai tapua, gan thisan ah kithawi le a ngai tapuai, Khrista chu i thiampu lal dingun Pa changlam ah a kichut tâk ziakin ama ziakin nel tak leh ngam takin Pathian i nai thei tau ahi. (Ephesa 3:12).

KRAWS : LEMNA SIAMTU

Khraws chu Pathian leh mihiamte kâl a lemna siamtu ahia, a thisan in Pa lung a suawi a, migilo leh melmate hi Pathian ma'n sual neilo gual in alat saka, i phatlonate'u zosia ama chung ah angak tâk ziakin Pathian ma'n i ding thei tau ahi (Ephesa 2:16).

Khraws chun dan thupiak bangma bawl theilo dinga a kawi tak ziakin, kihothelona ding ah daltu bangma a um tapua, kilemlona hung um sekte hi taksa nasep ahi, thagau ah tha mit zel ding ahi.

Khraws zal in Pathian tawh kichamna mun a chun Juda, Jentel, Grik a um chuam pua, Numei Pawsal a khen chuam pua, suak leh suak lo le a um diak puai, Laleng un pumkhat la hitau hi ti'n Paul in a gen hi. (Galatia 3:28)

Khraws ziakin mi khual leh micham mai ihi ta puau a, mi thiangthote tawh tual khata lengkhawm Pathian insung mite i hi zaw tau ahi (Ephesa 2:19). Khrista taksa khatvei a kilat zaw tak ziakin sukthiantho i hi tau hi. (Hebraite 10:10).

Jentel gingtute hi Khraws zâlin, Pathian nam

THAGAU KITAITETNA

Hebrew 12: 1-3

Rev. K. Neihzial

Khawvel ah kitâisiakna chi chuam chuam ah hin, a bul patna (*Starting point*) leh a zawna (*finishing point*) a um chiat a. Gualsiak ah pangtute chu a hat dan dungzui un tel dawk ahi sek ui. Ahinla, Thagau lam kitâisiakna hin vang Khristian zosia hi gualsiak ah pangtu i hi vek ui. Jesu Khrista Lal leh Hukdampa ah i pawmni'u kha a kipatna (*starting point*) a hia, i thi ni'u hi a tawp (*finishing point*) tunna a hi. Ziakiakchun, Vangam ah lawmman mu ding in i dam sung ua hin thagau lam ah kitâisiakna nei zing i hi'u. Zia chu a hi ziakin mitin in thagau lam kitâisiakna hi ngaitua pha hi tiu.

1. Ei sunawkpahk zosiate pai tha'i tiu:

Khawvel kitâisiakna ah hin a pangtu kuama chan Puanak, kengtaw leh tawka giktak in a kivan ngai puau a. A zangkhai thei pen in Sports van in a kivan u'i. Zia gual ma chun, sualna leh i thil chîn phalote paitha'i tiu, Thagau lam kitâisaikna ah ei sukawkpahk sek ziakin. Zia khawvel nawpsaknate haw paw zing pumin i tâi hat thei lo uh a hi.

2. Exercise i lak zing uh a ngai hi:

Kitâisiakna apang dingten kipakman mu tei tei theina ding in leh a taksau sukhatna ding regular takin exercise a la zing sek ua. Zia gual ma chun, ei uh gingtute a dingin le, pauchap zing leh nisin ah a thu ngaitua zing hi i exercixe lakna ding uh hi hen. Zia lo chun Thgaulam a hatna i dawng thei lo ding uh ahi.

hung hithei a hi. I chanu hileh le melmate insung ah a lut a hi leh i gâl suak thei a hi ti a gen nawpna zia k ua Numei a hi leh “gal a hi” a ti dan uh a hi a kiti a hi. I Johan 3:15 i sim leh a suapi hua taphawt tualthat a hui, Tualthat chun kumtuang hinna a nei puau ti a kimu, ziaziakchun thualthat bep hilo in suapi hua le tualthat tawh kibang a hi zia k in kingaitua phat a pawimaw ma ma hi. Khristian hinkhua a hin Thugentu khenkhat in a gen gual un, i mihing kibatpi that lo ding ti bep lo in thing leh gua dawng hawi lai lai, bangma mat ding le hilo mawk sat lo di, ganca leh hinna nei zosia hepi ding a hi ti gual in, Khristian hin ding dan chu zia gual chu hileh a kilawm him a hi.

KHAIKHAWMNA:

Khristian hinkhua ah kumtuang hinna nei theina ding chu nangma

thupukna siam dan ah kinga a hi. Lalpa Pathian chu la lungthim zosia la hepi tak tak chun, a thupiakte zui in zawm in latin, lei ah la Pathian, la Nu leh la Pa chu zâ in a thupiakte’u la zui zing chun mihing leh thing leh gua hinna nei zosia mawk tha leh mawk suksiati puan latin, lei leh van ah damsawtna leh kumtuang ah thitheilona mun chu chang ngei ngei ding la hi. Nang le kingaitua inla, la hinkhua hi kisui thak kit dingin Lalpan a hun ko a hi. Mihing in i kineppi pen chu kumtuang hinna a hia, kumtuang hinna neina ding a chun a chung ah i gente’u hi pha tak ah la hiat ah la zui zing chun kumtuang hinna chu chang ngei ngei ding la hi.

Lalpan a thu malsawm ta hen.

tel ka hi tia kisathei ma ma Judate sangin i chan uh a lopi zaw’i, amau kinepna chu kum sang gam a hia, ei uh kinepna chu kum tuang gam ahi.

Khraws zâl in lei leh vana Pathian hausatna suidaw guallo um chu eimau â ahi zia kin van khawpi ah puaklut theilo ding khawvel hausatna del in Bible phet manlo khawpin tai puai tiu, Lalpa’n a van hausatna tawh ei ngak zing a hi.

Lalpa sum tha ngai loin, suang mantam dangka tawh vangam thu bep ngaitua in, a sung ah i lut thei na’n.

PIANTHAKNA DIK

Ephesa 3:8 ahin Paul in kingaitawmna thu agen uar ma ma ziang a. Tuma ah mipil pen ah kigen sek, kidutaw tak, dan zawpna thu a le sawisel bei a kigen sek chu, Khrista a hun gin phatin mi dang lam a hung hi ta’i (Phillipi 3:4-7).

Kei mi thiangthote laka a neu pen sang a le neu zaw a kiti a hi. Korinth mite kiang inle sawlchak lak lak a neupen, Pathian Kochuamte ka sukgenthei zia k ah sawlchak a vua tâk le hilo ka hi a ti kit a (I Korinth 15:9).

Timothi kiang inle Jesu Khrista migilote hukdam dinga khawvel ah hung a hi ti a ginum in apawm tâk ma ma hi. A lak lak a kei a gilo pen a kiti kit hi (I Timothi 1:15). Pianthakna lungthim chu a chapo ngaipua, a dawtheia, a ngilnei a, a zaidam a, a kingaitawm a, thunuaigawl takin a um sek a hi.

*Thumak kagen chim theilo chu,
Kalvari chanchin a hi.*

Tulai piangthak kiti sekte hin Pathian mitmu leh mihiamte mitmu in Paul kingaitawmna gual hi i pianpi ding ua aw?

Khraws hin Paul hinna a zo takzet hina. Kei vang in ka Lalpa Khraws lo ngal chu ka suanlo di zia mai chu. Khawvel chu kei â ding in khetden in a um ta, keile khawvel â ding in khetden in ka um ta a hi ti'n a hung kiko daw k ta mai a hi (Galatia 6:14).

Khraws hi ka damna a hi ti min a hiatchian leh kua hem kipaklo ding, kua ahem kiko daw k lo ding. Tulai in kipakna, nawpna, muanna hawl in i kipek khel sau sau ua, a muten le a nei den thei puau a, a kipak den thei diak puau hi. Khraws bep in kipakna bukim a um hi.

*Ka Lal Kraws chu kangai sang pen,
Khawvel sum zosia sang inle
Zia chun nam tin chitinte din
Kipakna bukim a um hi.*

Kraws ah khetden ding bang zat i nei awm? Puakgik ngak thak ding bang zat i nei awm? A khraws putpi ding in thupukna i siam tau em? Eima khraws kaput ah zui ding in thupukna i siam tau em? Khraws in ei ngak zing a hi.

Simtu zosia'n Lalpa'n malzawl na thak a daw nna dingun ei malzawl piak ta hen. Amen.

*(Zia hi September 22, 2018
Beigual thupi pansan ah zik a hi)*

**Nilai Zan Thupi Zillai
2019 Office Hour sung in
Manipur Area Office ah
₹ 70/- in chawk thei
zing a hi.**

piak gam a hin la damsung nikhua a sawt theina ding in,” a tia. Zia thupiak zui lo ah a nu leh a pa simmaw te chandi hansia leh nu leh pa thumangte chan di malsawmna Bible in tampi a gen hi. Apa simmaw leh a nu thu ngainep te mit chu phaigam vaâk in kheldaw k intin, musaneten a sa le ne nau. Chawmcha gen leu hin “Thisia'n a hilo leh thidan kilawmlo tak in thi ding a hi'u ti genna a hi zia k in a lau um in a mualpho um hi. Kolossa 3:20, Naupangte haw bangkim in la nu leh pa teu thu zawm un, zia chu Lalpa kipakna lam tak a hi. Eisiampa kipak lam hitheina lampi leh a malzawl na mutheina lampi chu nu leh pa thu zawp ah zachak hi a hi. Mizosia dam thei i ut ua, damsawt le ut chiat hi ding i hui a, i damlo phat leh sum tampi pi seng in i kienkaw l ua, damdoi panglo hial a mu theina Bible in ei hil chu nu

leh pa thu mat hi a hi. Zia gual damsawtna chu taksa leh thagau lam tiang le a huap thei hi.

3. TUALTHAT KIN

Exodus 20:13 i sim leh Tual ti hi bang genna a hi em? Khanglui te thupil khat en leu hin hechian pen hitiu ti ka gingchai, Khanglai ten Nausen piangthak a va et phat ua leh a daw t masak pen sek uh chu “TUAL A HEM GÂL” a ti sek u'i a tiu. Pawsal a hi leh Tual a hi ei a ti'u a, Numei a hi phat leh Gâl a hi ei a ti sek u'i, Pawsal a hi leh i chi, i sa tak tak, i phung, i chang, i be i phung a ti nau a hi a tiu. A chawm lam in eimi tak tak a hi tina a hi. Numei a hi phat leh “GÂL a hi ei” ti ziang sek a hui em? Upate thupil khat chun “Numei hi phung bei”, Numei a pawsal neina ding uh a phung leh a chang ding uh kihe nailo, melma leh i galte zi ding le

KUMTUANG HINNA NEINA DING AH BAWL NGEI NGEI DINGTE

JOHAN 3:15-18

Ngaitua theina leh dawitel theina nei mihing ten kumtuang hinna a nei theina ding un a bawl tei tei ding uh thil tam tak a um a, ziate chu bawl kim lo ah kumtuang hinna mu thei a hi puai ti Bible in a ki mui. Thugentu khenkhatte'n ei hi ding bang ma a um puai, Jesu Khrista i gin phawt chun a hi mai hi ti in ei hil uh a hi. Bawl ding tam tak um maleh ziate sia bep hi vak gen phawt hitiu.

1. THUPIAK LOPI PEN CHU HEPINA

Pharisaite lak ah dan thiam pakhat in Jesu kiang in, Hotupa dân thu piak te lak in bang a thupi pen em? atia, Jesu'n a dawnhu a, "Lalpa la Pathian chu la lunggil zosia, la thagau zosia leh la ngaituana zosia la hepi ding a hi. A bâh ah nangma la kihepi gual in la vengte la hepi ding a hi", Jesu'n a dawnhu thiam ma ma hi. Taksa hinna leh lungthim leh thagau eipepa i hepi ding chu i bat a hi masai. Zia ban a chun i mihing kibatpi i vengte i hepi kit

ding a hi. Romte 13:10, Hepina hin a invengte siatna ding bangma a bawl puai, ziaziaichun hepina hi dan hibukimna a hi. I invengte van gukpiak kawm kawm in, ka invengte hepi ma ma ka hi ti le hin kuaman ei taksang puana'u. Ziaziaichun Lalpa i Pathian chu hepi ding chu thupiak lopi pen a hi.

2. LEI LEH VAN AH DAMSAWTNA

Exodus 20:12, Deuteronomy 5:16; "La nu leh la pa za in chuleh Lalpa la Pathian in a hun

THAGAU AH KALSUAN HI EIMA DAWITELNA AHI

Upa Luaikhawmang, Thingkeu

Thagau ah hing i hui chun Thagau ma'n kalsuan hitiu, a ma taksa lam ah tupa chun taksa lam ah siatna chu luak intin, thagau lam ah tupa vang chun thagau lam kumtuang hinna luak in a. (Gal. 5:20)

Mani dawitelna a chia mi pani chanchin a la genkhawm hi tiu.

1. Samuel chun sathau bûk a hun ladawk ah, Saul luchang a sunkhum ah, a chawp a, a kiangin Lalpan a mite chung ah vaihawm ding in a hunt el ah sathau a hun nu hi. Mipite chung ah vaihawm inla, chuleh a kimvel ua a melmate chuang a kipat hin amau la hukdawk ding a hi. Tuhin Lalpan a gochante chung ah vaihawm ding ah a hun têt la hi ti la hiat theina ding in teptena chu zia hi a hi ti Samuel pakhatna ah chun i mu'i. (1 Samuel 15: 3-5)

Lalpa Pathian sabiltungte'u natiang hawi in Saul kiang a chun, neiloin va that gam in a tuhin kipan inla Amalekte chu va do inla, a nei thupiak gual ngeiin a zosiau va suse siksek in. A sepaite haw tawh Amalek do ding in a kuan hi. numei a pawsal, naupang leh nausen hitaleh, a Pathian thupiak gual ngeiin a bawngchalte'u, a belamte'u, a va do ah, Lalpa Pathian a sangawngsaute'u leh a in chu bangma khek neilo

ah suse dim diam dingin thu a piat. Himaleh ama dawitelna'n Amalek-te lengpa Agag chu a hing mat a, chuleh bawngchal thau tak tak leh belam chal thau tak tak-te chu a hun la ta'i. A chung ah Pathian lungnatna a hungtung tai. Tichun Samuel in Saul kiang a chun, "Thip tan tuzan ah Lalpan ka kiang ah a thugen hun hil ingka", a tia. Aman le hun genin a tia, tichun Samuel in, "Nangma kingai dan ah neucha kikawi male chun Isreal nam pumpi luchang hilo la hem? Lalpan Israel nam puipe chung ah leng ding ah sathau a hun nu la hi. Amalek-te vado in lah, that gam sik sek a bangma la lo ding a hi ti hen, bang ding ah Lalpa thugen chu zuilo ah a mitmu ah thil kidak um tak chu bawl ah, gâl lâk thilte chu baw he hu

ziang la hi em?" tin a gen tai.

Tichun, Lal Saul chu ama dawitelna leh ama phasak dan tak ah a thilbawl hi Lalpa Pathian kipakna lam a hi puai. 1 Samuel 16:14-na chun, Lalpa Thagau in saul a pawtdaw san tan, Lalpa'n thagau buak a hun sawl in, Saul chu a gawt tai. Ziaziakchun, Lal Saul hi ama dawitelna ngei ah Pathian kipakna lam nasem in kingai maleh Pathian kipakna tingzo talo a hi. Zia gual ma chun Kochuam enkawltute hin le, i nasepna teu hi Lalpa kipakna leh dawi dana tingzo tak takna diam? Sawlchak Paul in, "Ginna ah chun la umnau em nangmau leh nangmau kienchian un a ti gual hin Kochuam puitute, mipite puitu ding ah Pathian in

ah i kiphudet uh a ngai ta ahi. Ama zia in i kipak thei tau a, ama zia ma in kinepna hing chu i nei tau ahi.

Lungawina panglo ah Pathian ngaisakna aum thei hi; zia chu, mani lawk hawlina chu ahi. Ei hepina thu hih thupi talua ahi; zia hepina thupi tak changtu i hina zia ah lungawi mama kawm in Pathian ngaisak hitiu, zia chu lawkna thugil tak ahi zia Sawlchak Paul in a hia, Timothi kiang ah a lekthawtuna chun a la gendawk tamai ahi.

Lungnat ching gingtu chu a kilawm puai. Ginna mumal neilo, kinepna hing neilote chun lungnat a ching zaw sek uh ahi. Ei uh vang, Khrista zia in i kipak ua, i lungawi uh ahi. Lungnatna mel ah gualpha i siam theilo lai un, Khrista hepina zia ah thagau piak ah ium un, zia thagau zia chun gualpha kisiam pek kawm in khawpi thak zuan in i chia zel uh ahi.

Unaute, i gin uh Khrista ahin muang den ta

ding ah lunggil thupukna i siam chiat tau ahi. Ziaziakchun, awimawna la chan hun um intin, gensiatna tawh la kituak phut ziang hun le tung intin, neilo haksatna zia ah i beidawn ngawi ngawi hunuh le hung tung sek in a. Himaleh, khualzin mai i hinalai ua, khawpi det kumtuang i In munding uh tung nailo i hui ti he'zing kawm in lungawina kipia in, hattak leh hangsan tak in i thugin uh tudet zel hitiu.

Lungawina neilo kawm kawm ah semtute lawchak ding aum puai ti ah gel in, Lungawina tawh kithua Pathian ngaisakna hi lawkna thupi tak ahi zia midangte kiang in tangkopi zel hitiu. Lungawina chun kichamna a tunsak sek in, kichamna munah chun Lalpa thuguk hiat ding a um zing sek ding ahi.

Lopina zosia Lalpa chang henla, i ginna zia uh lungawi zote zosia chung in lawkna thupi tak tung ta hen! Amen.

ti i mu him uh ahi. Tuni hin, i Pathian ngaisakna hi lawkna ding mai a hiding ahi pua, lungawina tawh kithua ngêl a hi a pawimaw ma ma hi.

Mi hausa khat chun lawm a gawita, a lawm gawite lak ah a dawisak chuam, ngaituana diklo tak ah a kikawmtuapi theite chu dawisak chuam in a sep man chu midangte sâng in a petam zaw sek hi. Himaleh, diklo tak ah a hawlkhawmnate zia chun hêksiati in a umta, suangkul ah khum in aum tamai ahi. Bawlthei tak ah a kilat lâi ah ama lam ah pan nuam, mani lawkna mai ngaituana zia chun a thilphalo bawlna kikapvâipi sektu chu, lawkna del ah mi hausapa bêltu a hi zia chun in ama chule suangkul ah khum ding ah mat in aum kit ta ahi. Nikhat chu suangkul apat a hung pawtdawk gêl tau in, a nasep na'u ah pankhawm kit ding lunggel vang a nei tapuau hi. Aziakchu, lawkna del mai ah kilawfa tu zia chun ah mi hausapa chu suangkul ah tâng in a kigel a, duâmna zia chun ah lawkna

hawltu chun le mi hausapa diklo zia chun ah suangkul a hi zia a ki hiat zia chun in a kivopthei tapuau in, a kingainatna'u chu aum ta lo mai ahi.

Zia chanchin apat i genlat nuam pên chu, "lawkna del ah mi hausa bêltu chule a lawting sawt diak pua" ti hi ahi. Zia chun ahileh, lungawina tawh kithua ah i bel ngam ding kua aum em ti hi hawlchil ten a ngai ta ahi. Khrista la ginna in la muang ngam tak tak nam? Ahiloleh, kumtuang hinna i chan theina ding ua thupiak tam tak i dawnteu hin kumtuang hintawplona gam chu ei tut zo tak tak na diam ti i ngaitua chian nau em? A thilhitheinate bep ngainatna zia chun ah ama zuitu ihu chun vang kilik kit ngei hitiu ti taksan a um hi. Ahi'n, i gitlona zia chun ua i thi sik ua hung thi ah, i gitlona vawm pên uh le a hepina thisan ah sawpthiangtu ahia, ama zia chun ah thiamlona apat thiamchang ding i hi tau ti i pawm chun, i ginna ahin kiling ta lo ding ah thagau

sathau ei nute hin ginum tak leh dik tak ah nasep ding in ei gaut a hi ti kichian takin i mu thei a hi. Tichun, Saul chungchang apat hin Pathian thagau pui leh puilo chu kichian takin a hiat thei hi.

2. Mosi chanchin a kipat hin ama dawitelna ngei ah Pathian dawi dan ah nasep a hi zia saulo in vak sulang kit hitiu. Ginna'n Mosi a hung pian a khan, naupang melpha tak a hi zia chun in tha thum sung a nu leh pan a selgu'u a, Lengpa thupiak le a lau puau hi. Ginna'n Mosi chu a hung pitin phat Pharoah chanu hi ding chu a nuam pua, sawtlo cha sung bep gitlo limpi sangin Pathian mite tawh sukgenthei a têt zaw tai. Mosi apat hin lengan eimau dawitelna um i hui ti chu kichian takin i mu

thei hi. Mosi chun Khrista a musitnau chu Aigupta ah gote sang in hausakna thupi zawn a ngai ah, kipakman a mû ding chu a thil zia chun. Aigupta lengpa chapa hi ah hausakna sang in Pathian mite tawh kipawlkhawmna ah genthei thawk chu a têt zaw a hi. A ma hin khawvel hausakna leh lopina chu taisanin genthei tak ah Pathian thuzawp chu a nuam zaw a hi. (Hebrai 11)

Tulai ah Khristian-te hin Lalpa Jesu nungzuina ding a hin taisan ngamlo hi a kihau ma ma nalai ah, khawmpi chiana ding bang a um tak leh ahem kochuam committee hun ding tak hileh suanlam ding i siam sek ua, buaina ding i tam sak sek u'i. Taisan ngamlo ding a kihau nalai ma ma hi. Peter bang hile sanga man a hia, Lalpa Jesu

thupiak mang ah len sep ah sanga tam tak a mat lai in le Lalpa Jesun ei zuiin a ti lai a khan malsawmna a dawnte bang kha i vak ngaitua chun i dinmun chet bang hileh chu kitaisan ngamlo ding a hi. Ka zi ka chate tawh va kiho phawt ka tin uh le kiti maithei a hi. Zai zia k a hin Lalpa Jesu nungzui ah thagau ah kalsuan ding i hi chun taisan ding leh nutsia ding tam tak i nei u'i.

Z i a z i a k c h u n , Khawvel thubulte chu Khrista kiang ah la thi san ua leh, bang a tia khawvel ah hing nalai gual ah thupiakte a chu kipelut kit nalai la hiu em? Sukha kin, tep kin, khawi kha kin tite hi a hi (Kol 2:20-21). I khawi khak lo ding tiang i khawi sek ah, i sukhhaklo ding tiang i sukha sek ah, ziaziakchun a hi sawlchak

Paul in, “Kei â ding ah lawkna taphawt chu Khrista zia kin channa'n ka guat ta a hi” a ti kha. Khawvel hausakna, lopina leh thuneinate hi Khrista zâl ah i chôn ngam a ngai a hi. Lalpa Pathian in la mau ah hinna leh thina, malzawl na leh hanselawna ka kaw i hi, nangmau chungthu ah hiatpitu ding in lei leh van chu ka kaw i a hi. Chutichun, nangmau leh la suante'u la hin theina dingun hinna chu tel tau in (Deut 30:19). Thagau ah kalsuan ding hin eima'u dawitelna ngei a um hi. Thagua ah kalsuan ding leh malsawmna chang zel ding in Lalpan hun malzawl ta hen.

KHRISTA GINNA ZIAK AH LUNGAWINA

T/Upa LM Vaiphei

La ginna ahin lungawi zo in la ki he na'm? Lungawi zo ah kihelo i hiu chun i gin uh Khrista hi hechian zo tak tak lo hi ngei hitiu ti hi taksan umtak hi.

Stephen suang ah a selâi ua khan, ama lam kiitchâkna him him paukam a pawt pua, ama hêksiatna zia k ah suang ah selup gawte kiangah chun, vân kot kihawng amu thu leh Pathian changlam ah ding Jesu amu dan chu thanuam tak in a vak gen tamai ahi. Bang zia k ah ama kivên nawpna lungthim um lo ziang a hi ta diam maw! Bang zia k ah ama tha gawte apat suachât theina lampi guanggal lo mai ahi ta diam? Thupi ka sa mama ziang hi.

Khrista zia k ah thuak ahi zia a kihiat zia k in, mihing dân gual ah thawkna natzia chu ama apat lâkdaw khat le hita'ngai ding ahi. Khrista a muchianna zia k in a thuak ngam in, a ginna chu lauthawn ziang theina mun ah sukdet in aum a, thi tiang in a thuak mualsua ta ahi. Khrista a ginna kha lungawina ah mang theilo in lunggel vanglak tak in a la um zing hileh vang, ziagual thawkna kha kilakna mukawm ah a thawk mualsuapi ding taksan aum lo ahi.

Ngaituana gilo leh thutak neilo mite lak ah chun kinialnate a um sek ah, amau chun Pathian ngaisak hi lawkna ding bep in a ngaituau hi. Lungawina tawh kithua ah Pathian ngaisakna hi lawkna thupi tak chu vang ahi him hi.

1 TIMOTHI 6:5-6.

I gin Khrista zia k ah lungawina tak tak le nei diak lo ah, mani lawkna ding bep ngaitua zia k ah Pathian ngaisak i hi ziang thei ui. A thilhitheina bep ngainatna zia k ah a la zuan tamtak le a la um ngei ui